

Transkription von Urkunde PRE 1357a

Ort, Datierung: Prenzlau, 1357-07-12

Signatur: Brandenburgisches Landeshauptarchiv in Potsdam, 8 Prenzlau U 87 A [\[online\]](#)

Inhalt: Markgrafen Albrecht und Woldemar: Schuldbrief

Wie Albrecht vnd woldem(ar) van der gnade goddis forsten van asschanien . vnd / greue(n) tũ Anhalt .
Bekenne(n) openbar . dat wie sculdich sien vnsen liue(n) t(ru)wen Ratman/ne(n) tũ premzlaw .
vorghewyn dat sie vns ghedan hebbe(n) hundert punt brande(n)b(ur)gisch(er) / pe(n)nynge . Were nu
dat vnd ennich ghelt velle in dissim lande oder hin vte in vn/sem lande twusche(n) hir vnd sente
mertyns daghe . dar aff scolde wie sie betalen / des gheldis . Is des nicht so scole wie vnd witte(n) an
doch die vrogenante(n) hund(er)t / punt . betalen als nu tũ sente mertinus {Mertyns} dach ouer eyn
yar . dat rede wie vnd / loue(n) en in dissim briue . Tũ orku(n)de hebbe wie dissin brieff gheue(n) na
godes / ghebort dritteyn hund(er)t yar . In dem seue(n) vnd veftigisten yare In sente / margarete(n)
auende d(er) heilige(n) Juncfrouwe(n) vorsegilt mit vnsem Jnges(ighele)